



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. XV. An, & qualiter dispensari possit in impedimento ex clandestinitate;

[urn:nbn:de:hbz:466:1-73058](#)

§. XIII.

An, & qualiter dispensari possit in impedimento impotencie.

Hæc quæstio juxta communem Doctorem sententiam non videtur hic habere locum; cum talis impotencia jure naturali dirimatur matrimonium, esto Pontius, ut diximus suprà, velit esse juris tantum Ecclesiastici, Cæterum esto matrimonium perpetuò impotentum cum potestate revera sit nullum; tamen, ut dictum est in tit. 15. si contraxissent, & postea comprehendenter unus impotens, possent, si vellet, simul manere solo fraternæ societatis vinculo, & casto amore constricti, sed separati thoro, & abstinentes ab omni usu carnis impudico, etiam per tactum, ut decrevit Lucius. III. in c. Consultationi. 4. & Celestia. III. c. Laudabilem. 5. de Frigid. Not. tamen, si non continentur; nec propter occasionem continuam, continere possent, eos teneri contra matrimonium reclamare, ut *judicio Ecclesiae* separentur; ne in peccatis, & proximo eorum periculo perpetuò vivant, de quo V. Sanchez l. 7. d. 97. a. n. 4. & alios.

§. XIV.

An, & qualiter dispensari possit in impedimento ex defectu aetatis?

Quæstio procedere potest solum in causa, quo est defectus aetatis *legalis*. Nam defectus aetatis *naturalis*, ubi scilicet nequid maturitas judicij ad consensum cum requisita deliberatione praestandum, matrimonium jure naturali est irritum, consequenter in eo defectu ab Ecclesia dispensari non potest: securus est, cum deficit aetate solum humano requirita, de quo dictum est in tit. 2. a. n. 585. Et in eo defectu Pontificem posse dispensare, non est dubium, cum jure solum Ecclesiastico praeter impedimentum. Circa dispensationem in hoc impedimento.

Not. 1. cum minoribus, non habentibus legitimam aetatem, jure Ecclesiastico prescriptam ad matrimonium, Episcopum posse dispensare, ut illud incant, quando prope illam aetatem sunt, & dubitatur, an malitia supplet aetatem? sic Barbos. de jure Ecclesiast. lib. 1.c. 11. §. 6. n. 187. & ratio est ex dictis a. n. 2044.

Not. 2. quando conjuges sunt teneræ aetatis (cum facile decipi potuerint) & inci-

tim. IV.

piunt sibi displicere, eos iuxta de Justis l. 2. c. 10. n. 33. posse dispensari super matrimonio rato tantum, & non consummato; quod talia matrimonia cæteroquin infelices exitus habeant; alij tamen negant, ut constat ex dictis a. n. 1621.

Not. 3. si matrimonium celebrandum 2185. sit per Procuratorem, in hoc non requiri aetatem jure civili requisitam; sed eam sufficere, quæ habeat usum rationis, ut sui principalis consensum explicare possit; ita Sanchez l. 3. hic d. 41. n. 8. cum nec in Testibus exigatur aetas major per dicta alibi.

Not. 4. quando constat, quod malitia supplet aetatem ad matrimonium requisitam, non requiri dispensationem; quia tunc non est defectus aetatis legalis, ut constat ex dictis a. n. 601. sic Reginald, in præxi fori paenitent. l. 31. c. 22. n. 171. si tamen esset dubium; necessaria foret declaratio: quia, cum ea qualitas non presumatur, & (si absit) praestet impedimentum valori, non procedit casus, nisi cognita causa per Episcopum declaretur non obstat, ad cavendum scandalum. V. Sanchez l. 7. d. 105. n. 4.

§. XV.

An, & qualiter dispensari possit in impedimento ex clandestinitate;

Potissima difficultas est, quando matrimonium clandestine contractum est, praesertim, si etiam consummatum. Nam in matrimonio celebrando clandestinè secundum quid (nimurum vel omissis, vel postpositis, aut breviatis denuntiationibus) dispensare posse Episcopum ex causa, constat ex n. 684. Ut autem matrimonium celebretur clandestinè simpliciter, seu sine praesenti Parochi, & testium, dispensare quidem potest Pontifex, sed non nisi ex causis gravibus: quoad reliqua.

Not. 1. in causa, quo matrimonium cum impedimento in gradu prohibito clandestinè (culpabiliter nimurum omissis tantum denuntiationibus) celebratum est in facie Ecclesiae, & consummatum, Pontificem moveri ad dispensandum in eo impedimento ex causa, de qua n. 2096. nimurum ad evitanda scandala, quæ verosimiliter timentur, nisi matrimonium legitime, ac rite contrahatur. Item ex alijs, ut periculo incontinentie, infamie, quod mulier deberet innupta manere, vel cum

Y y y

periculo

periculo vitæ, &c. de quibus à num. 2070.
V. Sanchez l. 8. hic d. 19. à num. 9. Dixi,
si contraxerunt in gradu prohibito. Nam
si nullum subsit impedimentum dirimens,
dispensatione non eget; cum possint sup-
plere defectum, si opus foret, natum ex
clandestinitate. Dixi. 2. & consummatum.
Nam in tali casu, potentes dispensatio-
nem, deberent explicare, an scientes
*impedimentum contraxerint? an consum-
maverint hoc titulo facilitandi dispensa-
tionem?* quo casu urgentiores causa re-
quiruntur, ut jam supra expositum est.

Not. 2. difficultatem dispensandi na-
scentem ex eo, quod culpabiliter omissis
denuntiationibus Oratores contraxerint
in grada prohibito, à quibusdam intelli-
gi de matrimonio sic contracto cum quo-
cunque impedimentou dirimenter, ut dixi-
mus à n. 750. probabilius tamen est, in-
telligi solūm de gradib⁹ consanguinitatis,
& affinitatis ex n. jame.

§. XVI.

*An, & qualiter dispensari posse in im-
pedimento ex raptu?*

2188. Loquimur de Raptu mulieris, in quantum jure Canonico praestat impedimentum dirimens matrimonium Raptoris cum Raptis, de quo num. 507. vix autem contingit, quod *in solo hoc impedimento*, aut queratur, aut detinur dispensatio. Nam si Raptis sit invita, & nolit, dum est sub Raptoris potestate, non proderit Raptori dispensatio; si autem Raptis est volens, dispen-
satione non eget, quia tunc Raptus ei non praestat impedimentum ex dictis suprà, ubi contraheret constituta extra Raptoris potestatem. Quia tamen definitio-
ne Concilij Tridentini (ut habetur ex di-
ctis num. 507.) constat, à Raptore incurri
hoc impedimentum ex vero Raptu invita,
ac durare, donec Raptis sit in loco tuto ex-
tra ejus potestatem; mulier tamen ob alia
pericula extrinseca dimitti non possit ab
illo, & de primis invita, fiat volens, &
omnino libenter ei nubat, sed ob durans
impedimentum non possit, evenire poterit
casus, ubi solus Raptus obfiteret, & dis-
pensationi sit locus, utique dandæ ob ju-
stas causas, si casus, ut ponitur, ita se ha-
beat, & in supplicatione exponatur. Si
autem contingat, quod Raptor, & raptis,

laboreto alio impedimento, pro cuius di-
spensatione supplicant, non tantum im-
pedimentum illud exprimi debet; sed et-
iam Raptus, & quidem cum omnibus
suis qualitatibus, & circumstantijs, nim-
rum, an fuerit factus causā matrimonij
an tantum causā libidinis, vel facilis im-
petrandi dispensationem? sic de Justis cit.
l. 1. c. 4. ex P. Sanchez l. 8. hic d. 2. n. 19.

Not. autem. 1. juxta Regulam 49. Can-
cellaria Apofolica constitutum esse, quod
in litteris dispensationum super aliquo gra-
du affinitatis, vel consanguinitatis, aut
alijs prohibito, semper apponatur clau-
sula: *dummodo dicta mulier, propter ha-
raptam non fuerit;* & si non fuerit in lit-
teris mandati apposita, semper tamen sub-
intelligatur de stylo Curiae. Quare si
fuerit omissa, si Executor deprehendere
ret intervenisse raptum, non posset ma-
datum dispensationis exequi (nam condi-
cio: *dummodo raptam non fuerit*, non ful-
sister) sed opus foret novis litteris Pan-
in forma *perinde valere*, exposito toto
cto, prout se res habuit, de quo V. de
stis l. 2. c. 8. a. n. 34.

Not. 2. illam clausulam verificari, mo-
dò *Raptus* non intervenerit cum his qual-
itatibus, quæ in eo desiderantur, ut juxta
Concilium constitutus impedimentum di-
rimens; ad quod, ut diximus loc. cit. re-
quiritur, quod factus sit *causa matrimo-
ni⁹*. Nam Raptus ex causâ libidinis ex-
plende, vel alio fine, *quam matrimo-
ni⁹ contrahendi*, non comprehenditur
decreto Concilij, raptui statuens vim
matrimonij diremptivam, ut diximus n.
cit. ita Sanchez l. 2. hic d. 13. n. 4. & 14.
& alij cum Barbosa ad c. 6. Trid. sess. 24. II.
Reform. matr. c. 6. Corradus. lib. 7. c. 6.
num. 48 &c.

ARTICULUS VI.

*De supplicatione pro impetranda di-
spensatione.*

Cum apud Cismontanos, stylus Cis-
montanus, propter rerum futurum varietatem, &
non raram mutationem, in modo, &
qualitatibus impedimentorum, pro que-
rum dispensatione supplicandum est, ac
exponendis, raro plene cognitus fit; ac
ob inde frequenter Oratores, aut suspen-
dantur,